



名媛彙詩第七卷目錄

七言絕句

五

武后

如意曲

上官婉兒

上幸溫泉宮應制三首

宋若憲

暢酬詩

杜羔妻趙氏

杜羔下第將至家寄以二絕

聞杜羔登第

代羔贈人

盧象妻崔氏

述懷一作贈
盧郎

楊貴妃

贈張雲客舞

王韞秀

寄姨外

諫外

江采蘋

謝賜珍珠

樊夫人

答裴航

程長文

春閨怨

天寶宮人

杏葉詩

宣宗宮人韓氏

感懷

孟昌期妻孫氏

白蠟燭詩贈人代夫作

謝人送酒代夫作

魚玄機

遊崇真觀南樓觀新及第題名處

秋思

酬李學士寄簞

和新及第悼亡江行二首

聞李端公垂釣回寄贈

題隱亭

重陽阻雨

送別二首

迎李近仁員外

江陵愁望寄子安

崔仲容

戲贈

李冶

留別廣陵故人

明月夜留別

偶居

得閩伯鈞書

龍城貴主

寄人詩

贈人詩

彭伉妻張氏

寄外詩二首

張窈窕

春思二首

贈所別

葛亞兒

懷良人

陳玉蘭

寄外征衣

崔公達

獨夜詞

劉元載妻

早梅

裴羽仙

邊將詩二首

劉瑗

長門怨二首

劉瑤

日金
闔閭城懷古

姚月華

古怨二首

楚妃怨

有期不至

廉氏

寄征人

叙別

豪家子

戚道遙

靜室歌

李弄玉

哀憤詩

京兆女子

題興元明珠亭

劉氏婦

明月堂二首

史鳳

迷香洞

神鷄枕

鑲蓮燈

交紅被

傳香枕

八分羊

閉門羹

苧羅川女

答王軒二首

韋臯婢玉簫

別詩

關盼盼

燕子樓感事二首

和白舍人

步非煙

酬趙生

寄趙生蟬錦香囊

寄懷趙生書

贈趙生

鮑四絃

歌送酒

杜秋娘

金縷詞

金對隨

林林賦

煇交獸

鱸四絲

容樂賦主書

韻賦主

古今名媛七言絕句卷之七

閩中鄭文昂季卿甫編輯

唐

武后

如意曲

樂苑曰如意娘商調曲唐則天皇后所作也

看朱成碧思紛紛憔悴支離為意君不信比來常下淚開箱驗取石榴裙

上官婉兒

上幸溫泉宮應制三首

景龍三年十二月十二日中宗皇帝駕幸
新豐溫泉宮勅蒲州刺史徐彥伯入仗同
學士例因與武平一等獻詩上官昭容亦
賦絕句詩三首以獻

三冬季月景隆年萬乘觀風出灞川遙看電躍
龍爲馬迴矚霜原玉作田

鸞旂掣曳拂空迴羽騎驂驪躡景來隱隱驪山

雲外聳迢迢御帳日邊開

翠幕珠幃敞月營金罍玉笋泛蘭英歲歲年年
常扈蹕長長久久樂昇平

宋若憲

暢酬詩

粉面仙郎選正朝偶逢秦女學吹簫須教翡翠
聞王母不禁烏鳶噪鵲橋

杜羔妻趙氏

杜羔下第將至家寄以一絕

良人的的有奇才何事年年被放回如今妾面
羞郎面郎若來時近夜來
傳聞天子訪沉淪萬里懷書西入秦早知不用
無媒客恨別江南楊柳春

聞杜羔登第

長安此去無多地鬱鬱葱葱佳氣浮良人得意
正年少今夜醉眠何處樓

代羔贈人

澹澹春風花落時不堪秋望更相思無金可買

長門賦有恨空吟團扇詩

盧象妻崔氏

述懷

一作贈
盧郎

不怨盧郎年紀大不怨盧郎官職卑自恨妾身
生較晚不及盧郎年少時

楊貴妃

贈張雲客舞

羅袖動香香不已紅蕖裊裊秋烟裏輕雲嶺上
乍搖風嫩柳池邊初拂水

王韞秀

寄姨妹

相國已隨麟閣貴家風第一右丞詩笄年解笑
鳴機婦耻見蘇秦富貴時

諫外

楚竹燕歌動畫梁更闌重換舞衣裳公孫開館
招佳客知道浮雲不久長

江采蘋

謝賜珍珠

桂葉雙眉久不描殘粧和淚拭紅綃長門盡日
無梳洗何必珍珠慰寂寥

樊夫人

荅裴航

一飲瓊漿百感生玄霜搗盡見雲英藍橋便是
神仙宅何必崎嶇上玉京

程長文

春閨怨

綺陌香飄柳如線時光瞬息驚流電良人何處

事功名十載相思不相見

天寶宮人

杏葉詩

一葉題詩出禁城誰人酬和獨含情自嗟不及
波中葉蕩漾乘春取次行

宣宗宮人韓氏

感懷

一聯佳句隨流水十載幽思滿素懷今日却成
鸞鳳友方知紅葉是良媒

孟昌期妻孫氏

白蠟燭詩贈人代夫作

景勝銀釭香比蘭一條白玉逼人寒他時紫禁
春風夜醉草天書仔細看

謝人送酒代夫作

謝將清酒寄愁人澄澈甘泉氣味真好是綠窗
風月夜一杯搖蕩滿懷春

魚玄機

遊崇真觀南樓觀新及第題名處

卷七
雲峰滿目放春晴歷歷銀鈎指下生自恨羅衣
掩詩句舉頭空羨榜中名

秋思

自歎多情是足愁况當風月滿庭秋洞房偏與
更聲近夜夜燈前欲白頭

酬李學士寄簾

珍簾新鋪翡翠樓泓澄玉水記方流惟應雲扇
情相似同向銀牀恨早秋

和新及第悼亡

一枝月桂和烟秀萬樹江桃帶雨紅且醉樽前
休悵望古來悲樂與今同

江行二首

大江橫抱武昌斜鸚鵡洲前萬戶家畫舸春眠
猶未穩夢爲蝴蝶也尋花
煙花已入鷓鴣巷畫舸猶沿鸚鵡洲醉卧醒吟
都不覺今朝驚在漢江頭

聞李端公垂釣回寄贈

無限荷香染暑衣阮郎何處弄船歸自慚不及

卷七
鴛鴦侶猶得雙雙近釣磯

題隱霧亭

春花秋月入詩篇
白日清宵是散仙
空捲珠簾不曾下
長移一榻對山眠

重陽阻雨

蒲庭黃菊籬邊折
兩朶芙蓉鏡裏開
落帽臺前風雨阻
不知何處醉金杯

送別二首

秦樓幾夜愜心期
不料仙郎有別離
睡覺莫言

雲去處殘燈一盞
野蛾飛

水流逐器知難定
雲出無心肯再歸
惆悵春風楚江暮
鴛鴦一隻失羣飛

迎李近仁員外

今日喜時聞喜鵲
昨宵燈下拜燈花
焚香出戶迎潘岳
不羨牽牛織女家

江陵愁望寄子安

楓葉千枝復萬枝
江橋掩映暮帆遲
憶君心似西江水
日夜東流無歇時

崔仲容

戲贈

暫到崑崙未得歸
阮郎何事教人非
如今身佩上清籙
莫遣落花霑羽衣

李冶

留別廣陵故人

無才多病分龍鍾
不料虛名達九重
仰愧彈冠上華髮
多慙拂鏡理衰容

明月夜留別

離人無語月無聲
明月有光人有情
別後相思人似月
雲間水上到層城

偶居

心遠浮雲去不還
心雲併在有無間
狂風何事相搖蕩
吹面南山復北山

得閩伯鈞書

情來對鏡懶梳頭
暮雨蕭蕭庭樹秋
莫怪欄干垂玉筍
只因惆悵對銀鈎

龍城貴主

寄人詩

羞解鳴璫尋漢渚但憑春夢到天涯紅樓日暮
鶯飛去愁殺深宮落砌花

贈人詩

燕語春泥墮錦筵情愁無意整花鈿寒閨歎枕
不成夢香炷金壚自裊烟

彭伉妻張氏

寄外詩二首

久無音信別羅幃路遠迢迢遣問誰聞君折得

東堂桂折罷那能不暫歸

驛使今朝過五湖慙爲我報狂夫從來誇有
龍泉劔試割相思得斷無

張窈窕

春思二首

門前桃柳爛春輝閉妾深閨繡舞衣兩燕不知
腸欲斷銜泥故故傍人飛

井上梧桐是妾移夜來花發最高枝忽然不向
深閨種春過門前爭得知

贈所別

與君咫尺長離別
遣妾容華為誰說
夕望層城
眼欲穿曉臨明鏡
斷腸絕

葛亞兒

懷良人

蓬鬢荆釵世所稀
布裙猶是嫁時衣
胡麻好種
無人種
正是歸時不見歸

會仙詩二首

彩鳳搖搖下翠微
烟花漠漠遍芳枝
玉窗仙會

何人見惟有春風仔細知

烟霞迤邐接蓬萊
宮殿參差曉月開
羣玉山前人別處
紫鸞飛起望仙臺

陳玉蘭

寄外征衣

夫王駕戍邊玉蘭製衣并詩寄之或云王駕詩誤矣

夫戍邊關妾在吳
西風吹妾妾憂夫
一行書寄
千行淚寒到君邊衣到無

崔公達

獨夜詞

晴天霜落寒風急錦帳羅幃羞更入秦箏不復
續斷絃迴身掩淚挑燈立

劉元載妻

早梅

南枝向暖北枝寒一種春風有兩般憑仗高樓
莫吹笛大家留取倚欄干

裴羽仙

邊將詩二首

夫征匈奴
不歸作

風捲平沙日欲曛狼煙遙認犬羊羣李陵一戰

無歸日望斷胡天哭塞雲

良人平昔逐蕃渾力戰輕生出塞門從此不歸
成萬古空留賤妾怨黃昏

劉瑗

長門怨二首

雨滴梧桐秋夜長愁心和雨到昭陽淚痕不學
君恩斷拭却千行更萬行
學畫蛾眉獨出羣當時人道便承恩經年不見
君王面花落黃昏空掩門

劉瑤

闔閭城懷古

五湖春水碧連天國破軍亡不計年惟有妖娥
曾舞處古臺寂寞起寒煙

姚月華

古怨二首

春草萋萋春水綠對此思君淚相續羞將離恨
向東風理盡秦箏不成曲

與君形影分吳越玉枕經年對離別登臺北望
煙雨深回身哭向寥天月

楚妃怨

梧桐葉下黃金井橫架轆轤牽素綆美人初起
天未明手拂銀瓶秋水冷

有期不至

銀燭清尊久延佇出門入門天欲曙月落星稀
竟不來煙柳隴腫鵲飛去

廉氏

寄征人

淒淒北風吹鴛被娟娟西月生蛾眉誰知獨夜
相思處淚滴寒塘蕙草時

崔萱

叙別

碧池漾漾春水綠中有佳禽暮棲宿願持此意
永相貽祇慮君情中反復

豪家子

年少家藏累代金紅樓盡日醉沉沉馬非蹀躞
寧酬價人不嬋娟肯動心

戚逍遙

靜室歌

笑看滄海欲成塵王母花前別衆真千載却歸
天上去一心珍重世間人

李弄玉

哀憤詩

昔逐良人西入關良人身歿妾空還謝娘衛女
不相見爲雨爲雲歸舊山

京兆女子

題興元明珠亭

寂寥滿地落花紅，獨有離人萬恨中。
回首池塘更無語，手彈珠淚背東風。

劉氏婦

明月堂二首

蟬鬢驚秋華髮新，可憐紅隙盡埃塵。
西山一夢何年覺，明月堂前不見人。

土鈎風急響丁東，回首西山似夢中。
明月堂前人不到，庭梧一夜老秋風。

史鳳

迷香洞

洞口飛瓊佩，羽霓香風飄拂使人迷。
自從邂逅芙蓉帳，不數桃花流水溪。

神鷄枕

枕繪鴛鴦久，與棲新裁霧縠闔。
神鷄與郎酣夢，渾忘曉鷄亦留連，不肯啼。

鑲蓮燈

燈鑲蓮花花，照疊翠鈿同醉楚臺。
魏殘灰剔罷。

携纖手也勝金蓮送轍回

交紅被

肱被當年僅禦寒青樓慣染血猩紈牙牀舒卷
鵝鸞共正值牕櫺月一團

傳香枕

韓壽香從何處傳枕邊芬馥戀嬋娟休疑粉黛
加鋌刃玉女旃檀侍佛前

八分羊

黨家風味足肥羊綺閣留人漫較量萬羊亦自

男兒事莫學狂夫取次嘗

閉門羹

一豆聊共遊冶郎去時忙喚鎖倉琅入門獨慕
相如侶欲撥瑤琴彈鳳凰

苧羅川女

答王軒二首

妾自吳宮還越國素衣千載無人識當時心比
金石堅今日為君堅不得

高花巖外曉相憐幽鳥雨中啼不歇紅雲飛過

大江西從此人間怨風月中潮不相除雲氣散
韋臯婢玉簫

別詩

黃雀含來已數春別時留解贈佳人長江不見
魚書至爲見相思夢入秦

關盼盼

燕子樓感事三首

樓上殘燈伴曉霜獨眠人起合歡牀相思一夜
情多少地角天涯未是長

適看鴻鴈岳陽迴又覩玄禽逼社來瑤瑟玉簫
無意緒任從蛛網任從灰

北邙松柏鎖愁烟燕子樓中思悄然自埋劒履
歌塵散紅褪香消二十年

和白舍人

自守空樓歛恨眉形同秋後牡丹枝舍人不會
人深意訝道泉臺不去隨

步非煙

酬趙生

綠慘雙蛾不自持只因幽恨在新詩郎心應似
琴心怨脉脉春情更泥誰

寄趙生蟬錦香囊

無力嚴粧倚繡櫳暗題蟬錦思難窮近來贏得
傷春病柳弱花欹怯曉風

寄懷趙生書

畫簷春燕須同宿蘭浦雙鴛肯獨飛長恨桃源
諸女伴等閒花裏送郎歸

贈趙生

相思只恨難相見相見還愁却別君願得化爲
松上鶴一雙飛去入行雲

鮑四絃

歌送酒

風颭荷珠雖暫圓多情信有短姻緣西樓今夜
三更月還照離人泣斷絃

杜秋娘

金縷詞

勸君莫惜金縷衣勸君須惜少年時花開堪折

斛石山曉望寄李侍御

寄詞

斛石山書事

送姚員外

酌祝十三秀才

別李郎中

送扶鍊師

摩訶池贈蕭中丞

和李書記席上見贈

棠梨花和李太尉

酌文使君

酌吳隨君

酌李校書

賦凌雲寺二首

九日遇雨二首

酌雍秀才貽巴峽圖

上王尚書

和劉賓客玉薜

江邊

贈蘇三十中丞

和郭員外題萬里橋

送鄭眉州

江亭宴餞

海棠溪

採蓮舟

菱荇沼

金燈花

春郊遊眺寄孫處士二首

酌楊供奉法師見招

試新服裁製初成三首

寄張元夫

酌辛員外折花見遺

贈遠二首

秋泉

柳絮

贈楊蘊中

續嘉陵驛詩獻武相國

段相國遊武擔寺病不能從題寄

贈段校書

酌杜舍人

籌邊樓

十離詩 并引

右犬離主

右筆離手

右馬離廐

右鸚鵡離籠

右燕離巢

右珠離掌

右魚離池

右鷹離鞞

右竹離亭

右鏡離臺

崔鶯鶯

絕微之

慎三史

留別

元和內人

嘲陸暢吳音

周德華

楊柳枝詞

楊監真

得授仙詩四首

韋璜

寄夫周混

留贈嫂

襄陽妓

送武補闕

平康妓

書紅箋

盛小叢

突厥三臺

趙虛舟

贈戲

常浩

贈友人

閨情

徐月英

送人

叙懷

紅綃

坐吟

卓英英

錦城春望

理笙

送福感寺答少年

答玄士

肩娘

和錦城春望

和理笙

趙鸞鸞

雲鬟

柳眉

檀口

酥乳

纖指

薛氏

迴文四絕

春

夏

秋

冬

韓僕射姬

贈別

李節度使姬

書紅綃帕二首

會張生述懷

太原妓

寄歐陽詹

武昌妓

楊柳枝

葛氏女

和潘雍

古今曹文姬

絕句卷之二

送春詩

故臺城妓

薛金陵詞

王福娘

後上高相公

驚看天寄紅箋

荒瞥見青山

擲紅巾詩

信大威

段東美

席上贈薛宜僚

寄孫斐

灑珠巾

王師賦

金刻

對臺賦

春荷

曹文

古今名媛七言絕句卷之八

閩中鄭文昂季卿甫編輯

唐

薛濤

賊平後上高相公

驚看天地白
荒荒瞥見青山舊
夕陽始信大威
能映照
由來日月借生光

送友人

水國蒹陵夜
有霜月寒山色共蒼蒼
誰言千里

自今夕離夢杳如關路長

送盧員外

玉壘山前風雪夜錦官城外別離魂
信陵公子如相問長向夷門感舊恩

題竹郎廟

竹郎廟前多古木夕陽沉沉山更綠
何處江村有笛聲笛聲盡是迎郎曲

醉韋校書

芸香誤比荆山玉那似登科甲乙年
淡地鮮風

將綺思飄花散蕊媚晴天

聽僧吹蘆管

曉蟬鳴咽暮鶯愁言語殷勤十指頭
罷閱梵書聊一弄散隨金磬泥清秋

醉郭簡州寄柑子

霜規不釀黃金色圓質仍含御史香
何處同聲情最異臨川太守謝家郎

上川主武相國二首

落日重城夕霧收玳筵雕俎薦諸侯
因令朗月

當庭燎不使珠簾下玉鈎

東閣移尊綺席陳貂簪龍節更宜春軍城畫角
三聲歇雲幕初垂紅燭新

憶荔枝

傳聞象郡隔南荒絳實豐肌不可忘近有青衣
連楚水素漿還得類瓊漿

斛石山曉望寄呂侍御

曦輪初轉照仙扃旋擘烟嵐上睿冥不得玄暉
同指點天涯蒼翠漫青青

寄詞

茵閣芝樓杳靄中霞開深見玉皇宮紫陽天上
神仙客稱在人間立世功

斛石山書事

王家山水畫圖中意思都盧粉墨容今日忽登
虛境望步搖冠翠一千峰

送姚員外

萬條江柳早秋枝裊地翻風色未衰欲折爾來
將贈別莫教烟月兩鄉悲

卷八
酌祝十三秀才

浩思藍山玉彩寒
冰囊敲碎楚金盤
詩家利器馳聲久
何用春闈榜下看

別李郎中

花落梧桐鳳別凰
想登秦嶺更淒涼
安仁縱有詩將賦
一半音詞雜悼亡

送扶鍊師

錦浦歸舟巫峽雲
綠波迢遞雨紛紛
山陰妙術人傳久
也說將鵝與右軍

摩訶池贈蕭中丞

昔以多能佐碧油
今朝同泛舊仙舟
淒涼逝水頽波遠
惟有碑前咽不流

和李書記席上見贈

翩翩射策東堂秀
豈復相逢豁寸心
借問風光爲誰麗
萬條絲柳翠烟深

棠梨花和李太尉

吳均蕙圃移嘉木
正及東溪春雨時
日晚鶯啼何所爲
淺深紅膩壓繁枝

酌文使君

延英曉拜漢恩新五馬騰驤九陌塵今日謝庭
飛白雪巴歌不復舊陽春

酌吳隨君

支公別墅接花扃買得前山總未經入戶剡溪
雲水滿高齋咫尺躡青冥

酌李校書

才遊象外身雖遠學茂區中事易聞自顧漳濱
多病後空瞻逸翮舞青雲

賦凌雲寺二首

聞說凌雲寺裏苔風高日近絕纖埃橫雲點染
芙蓉壁似待詩人寶月來

聞說凌雲寺裏花飛空遶磴逐江斜有時鎖得
嫦娥鏡鏤出瑤臺五色霞

九日遇雨二首

萬里驚飈朔氣深江城蕭索晝陰陰誰憐不得
登山去可惜寒芳色似金

茱萸秋節佳期阻金菊寒花滿院香神女欲來

知有意先令雲雨暗池塘

酌雍秀才貽巴峽圖

千疊雲峰萬頃湖白波分去遶荆吳感君識我
枕流意重示瞿塘峽口圖

上王尚書

碧玉雙幢白玉郎初辭天帝下扶桑手持雲樣
題新榜十萬人家春日長

和劉賓客玉薺

瓊枝的礫露珊珊欲折如披玉彩寒閒拂朱房

何所似緣山偏映日輪殘

江邊

西風忽報燕雙雙人世心形兩自降不爲魚腸
有真訣誰能夜夜立清江

贈蘇三十中丞

洛陽陌上埋輪氣欲逐秋空擊隼飛今日芝泥
檢徵詔別須臺外振霜威

和郭員外題萬里橋

萬里橋頭獨越吟知憑文字寫愁心細侯風韻

兼前事不止爲舟也作霖

送鄭眉州

雨暗眉山江水流
離人掩袂立高樓
雙旌千騎駢東陌
獨有羅敷望上頭

江亭宴餞

綠沼紅泥物象幽
范汪兼倅李并州
離亭急管四更後
不見車公心獨愁

海棠溪

春教風景駐仙霞
水面魚身總帶花
人世不思

靈卉異競將紅纈
染輕沙

採蓮舟

風前一葉厭荷蕖
解報新秋又得魚
兔走烏馳人語靜
滿溪紅袂棹歌初

菱荇沼

水荇斜牽綠藻浮
柳絲和葉臥清流
何時得向溪頭賞
旋摘菱花旋泛舟

金燈花

闌邊不見叢叢葉
砌下惟翻艷艷叢
細視欲將

何物比曉霞初疊赤城宮

春郊遊眺寄孫處士二首

低頭久立向薔薇愛似零陵香惹衣何事碧溪
孫處士伯勞東去燕西飛
今朝縱目翫芳菲夾纈籠裙繡地衣滿袖滿頭
兼手把教人識是看花歸

酌楊供奉法師見招

遠水長流潔復清雪窻高臥與雲平不嫌袁室
無烟火惟笑商山有姓名

試新服裁製初成三首

紫陽宮裏賜紅綃仙霧朦朧隔海遙霜兔毳寒
冰蠶靜嫦娥笑指織星橋

九氣分爲九色霞五雲仙馭五雲車春風因過
東君舍偷樣人間染百花

長裾本是上清儀曾逐羣花把玉芝每到宮中
歌舞會折腰齊唱步虛詞

寄張元夫

前溪獨立後溪行鷺識朱衣自不驚借問人間

愁寂意伯牙絃絕已無聲

醉辛員外折花見遺

青鳥東飛正落梅
嚙花滿口下瑤臺
一枝爲授殷勤意
把向風前旋旋開

贈遠二首

芙蓉新落蜀山秋
錦字開緘到是愁
閨閣不知戎馬事
月高還上望夫樓

擾弱新蒲綠又齊
春深花落塞前溪
知君未轉秦關騎
月照千門掩袖啼

秋泉

冷色初澄一帶烟
幽聲遙瀉十絲絃
長來枕上牽情思
不使愁人半夜眠

柳絮

二月楊花輕復微
春風飄蕩惹人衣
他家本是無情物
一向南飛又北飛

贈楊蘊中

玉漏聲長燈耿耿
東牆西牆時見影
月明窗外子規啼
忍使孤魂愁夜永

續嘉陵驛詩獻武相國

蜀門西更上青天強爲公歌蜀國絃卓氏長卿
稱士女錦江玉壘獻山川

段相國遊武擔寺病不能從題寄

消瘦翻堪見令公落花無那恨東風儂心猶道
青春在羞看飛蓬石鏡中

贈段校書

公子翩翩說校書玉弓金勒紫綃裾玄成莫使
驕名譽文采風流定不如

酌杜舍人

雙魚底事到儂家撲手新詩片片霞唱到白蘋
洲畔曲芙蓉空老蜀江花

籌邊樓

平臨雲鳥八窗秋壯壓西川四十州諸將莫貪
羗族馬最高層處見邊頭

十離詩

元微之使蜀嚴司空遣濤往侍後因事獲
怨遠之濤作十離詩以獻遂復善焉

馴擾朱門四五年毛香足淨主人憐無端咬着
親情客不得紅絲毯上眠

右犬離主

越管宣毫始稱情紅牋紙上撒花瓊都緣用火
鋒頭盡不得羲之手裏擎

右筆離手

雪耳紅毛淺碧蹄追風曾到日東西爲驚玉貌
郎君墜不得華軒更一嘶

右馬離厩

隴西獨自一孤身飛去飛來上錦茵都緣出語
無方便不得籠中再喚人

右鸚鵡離籠

出入朱門未忍拋主人常愛語交交嚼泥穢汗
珊瑚枕不得梁間更累巢

右燕離巢

皎潔圓明內外通清光似照水晶宮都緣一點
瑕相穢不得終宵在掌中

右珠離掌

戲躍蓮池四五秋常搖朱尾弄綸鈎無端擺斷
芙蓉朶不得清波更一游

右魚離池

爪利如鋒眼似鈴平原捉兔稱高情無端竄向
青雲外不得君王臂上擎

右鷹離鞴

蒼鬱新栽四五行常將勁節負秋霜爲綠春筍
鑽墻破不得垂陰覆玉堂

右竹離亭

鑄瀉黃金鏡始開初生三五月徘徊爲遭無限
塵蒙蔽不得華堂上玉臺

右鏡離臺

崔鶯鶯

絕微之

自從銷瘦減容光萬轉千迴懶下床不爲傍人
羞不起爲郎憔悴却羞郎

慎三史

畱別

當時心事已相關
雨散雲飛一餉間
便掛孤帆從此去
不堪重上望夫山

元和內人

嘲陸暢吳音

十二層樓倚翠空
鳳鸞相對立梧桐
雙成走報監門外
莫使吳歛入漢宮

周德華

楊柳枝詞

清溪一曲柳千條
二十年前舊板橋
曾與情人

橋上別更無消息到今朝

楊監真

得授仙詩四首

天教絕粒應精誠
道啓真心覺漸清
雲外仙歌笙管合
花間風引步虛聲

飛鳥莫到人莫攀
一隱十年不下山
袞中短書誰爲達
華山道士賣藥還

日落焚香坐醮壇
庭花露濕漸更闌
淨水仙童調玉液
春宵羽客化金丹

攝念精思引彩霞焚香虛室對烟花道合雲霄
遊紫府湛然真境瑞皇家

韋璜

寄夫周混

早知離別切人心悔作從來恩愛深黃泉冥漠
雖長逝白日屏幃還重尋

留贈嫂

赤心用盡爲相知慮後防前祗定宜案牘可申
生節目桃符雖聖欲何爲

襄陽妓

送武補闕

弄珠灘上欲消魂獨把離懷寄酒尊無限烟花
不留意忍教芳草怨王孫

平康妓

書紅箋

銀釭斜背解鳴璫小語偷聲喚玉郎從此不知
蘭麝貴夜來新惹桂枝香

盛小叢

突厥三臺

鴈門山上鴈初飛
馬邑關中馬正肥
日旰山西逢驛使
慇懃南北送征衣

趙虛舟

贈戲

砌下梧桐葉正齊
花繁雨後厭枝低
報道不須鷓鴣鳥
亂他家自有鳳凰棲

常浩

贈友人

聞道東山逸興多
爲憐明月映滄波
不辭紅粉隨君去
其柰蒼生有望何

閨情

門前昨夜信初來
見說行人卒未迴
誰家樓上吹橫笛
偏送愁聲向妾哀

徐月英

送人

惆悵人間萬事違
兩人同去一人歸
生憎平望亭前水
忍照鴛鴦相背飛

叙懷

爲失三從泣淚頻此身何用處人倫雖然日逐
笙歌樂常羨荆釵與布裙

紅綃

坐吟

深谷鶯啼別院香偷來花下翠珠璫碧雲飄斷
音書絕空倚玉簫愁鳳凰

卓英英

錦城春望

和風裝點錦城春細雨如絲壓玉塵漫把詩情
訪奇景艷花濃酒屬閑人

理笙

頻倚銀屏理鳳笙調中幽意起春情因思往事
成惆悵不得緜山和一聲

遊福感寺答少年

牡丹未及開時節况是秋風莫近前留得來年
二三月一枝和露壓神仙

答玄士

數載幽欄種牡丹
裹香包艷待神仙
神仙既有丹青術
携取何妨入洞天

眉娘

和錦城春望

蠶市初開處處春
九衢明艷起香塵
世間總有浮華事
爭及仙山出世人

和理笙

但於閨閣熟吹笙
太白真仙自有情
他日丹青驟白鳳
何愁子晉不聞聲

趙鸞鸞

雲鬟

擾擾香雲濕未乾
鴉鴿蟬翼膩光寒
側邊斜插黃金鳳
粧罷夫君帶笑看

柳眉

彎彎柳葉愁邊戲
湛湛菱花照處頻
嫵媚不煩螺子黛
春山畫出自精神

檀口

銜盃微動櫻桃顆
咳唾輕飄茉莉香
曾見白家

樊素口瓠犀顆顆綴榴房

酥乳

粉香汗濕瑤琴軫春逗酥融白鳳膏浴罷檀郎
捫弄處露華涼沁紫葡萄

纖指

纖纖軟玉削春葱長在香羅翠袖中昨日琵琶
絃索上分明滿甲染猩紅

薛氏

迴文四絕

春

花朵幾枝柔傍砌柳絲千縷細搖風霞明半嶺
西斜日月上孤村一樹松

夏

涼回翠簟冰人冷齒沁清風夏井寒香篆裊風
青縷縷紙窗明月白團團

秋

蘆雪覆汀秋水白柳風凋樹晚山蒼孤燈客夢
驚空館獨鴈征書寄遠鄉

冬

天凍雨寒朝閉戶雪飛風冷夜關城
殷紅炭火圍爐煖淺碧茶甌注茗清

韓僕射姬

贈別

風柳搖搖無定枝陽臺雲雨夢中歸
他年蓬島音塵絕留取樽前舊舞衣

李節度使姬

書紅綃帕二首

囊裏真香誰見竊絞綃滴淚染成紅
慙慙遺下輕綃意好與情郎懷袖中

金珠富貴吾家事常渴佳期乃寂寥
偶用志誠求雅合良媒未必勝紅綃

會張生述懷

門前畫戟尋常設堂上犀簪取次看
最是惱人情緒處鳳凰樓上月華寒

太原妓

寄歐陽詹

自從別後減容光
半是思郎半恨郎
欲識舊來雲髻樣
爲奴開取縷金箱

武昌妓

楊柳枝

悲莫悲兮生別離
登山臨水送將歸
武昌無限新栽柳
不見楊花撲面飛

葛氏女

和潘雍

九天天遠瑞烟濃
駕鶴駢龍意已同
從此三山

山上月瓊花開處
照春風

曹文姬

送春詩

仙家無夜亦無秋
紅日春風滿翠樓
遙望玉碧霄
歸路穩可能同駕
五雲蚪

故臺城妓

金陵詞

宮中細草香紅濕
宮中纖腰碧窗泣
唯有虹梁春燕雛
猶傍珠簾玉鈎立

王福娘

寄紅箋

日日悲傷未有圖
懶將心事話凡夫
非同覆水應收得
只問仙郎有意無

擲紅巾詩

久賦恩情欲托身
已將心事再三陳
泥蓮既沒移栽分
今日分離莫恨人

段東美

席上贈薛宜僚

阿母桃花方似綿
王孫草色正如烟
不須更向滄溟望
惆悵歡情恰一年

會真堂... 一平

四母... 王孫草... 五... 獸... 不... 更... 回

名媛彙詩第九卷目錄

七言絕句

蜀

花蓋夫人費氏

宮詞一百首

口占答宋太祖

順聖太后徐氏

禱青城山回

翊聖太妃徐氏

名媛彙詩

目錄卷九

禱青城山回

李舜絃夫人

蜀宮應制迴文

釣魚不得

隨駕出遊青城

蓮花女

呈陳處士

古今名媛七言絕句卷之九

閩中鄭文昂李卿甫編輯

蜀

花蕊夫人費氏

宮詞一百首

五雲樓閣鳳城間
花木長春日月閒
三十六宮連苑內
太平天子住崑山

會真廣殿約宮牆
樓閣相扶倚太陽
淨甃玉階橫水岸
御爐香氣撲龍牀

名媛彙詩

卷九

一

離宮別院繞宮城金版輕敲合鳳笙夜夜月明
花樹底傍池長有按歌聲

修儀承寵任龍池掃地焚香日午時等待大家
來院裡數看鸚鵡念新詩

才人出入每參隨筆硯行將繞曲池能向綵牋
書大字忽防御製寫新詩

梨園子弟簇池頭小樂攜來候燕游旋炙銀笙
先按拍海棠花下合梁州

殿前排宴賞花開宮女侵晨探幾回斜望苑門

遙舉袖傳聲宣喚近臣來

殿前宮女總纖腰初學乘騎怯又嬌上得馬來
纔欲走幾回拋鞚抱鞍橋

自教宮娥學打球玉鞍初跨柳腰柔上棚知是
官家認遍遍長羸第一籌

內人追逐採蓮擘驚起沙鷗兩岸飛蘭棹把來
齊拍水並船相鬪濕羅衣

婕妤生長帝王家常近龍顏逐翠華楊柳岸長
春日暮倚池行困倚桃花

寒食清明小殿旁
綵樓雙夾鬪雞場
內人對御分明看
先賭紅羅被十牀

水車踏水上宮城
寢殿簷頭滴滴鳴
助得聖人高枕興
夜涼長作遠灘聲

羅衫玉帶最風涼
斜插銀篦幔裏頭
聞得殿前調御馬
掉鞭橫遇小紅樓

小小宮娥到內園
未梳雲鬢臉如蓮
自從配與夫人後
不使尋花亂入船

半夜搖船載內家
水門紅蠟一行斜
聖人正在宮中飲
宣使池頭旋折花

晚來隨駕上城游
行到東西百尺樓
回望苑中花柳色
綠陰紅豔滿池頭

朱雀門開花未開
毬場空濶浸塵埃
預排白兔兼蒼狗
等候君王按鵲來

會仙觀內玉清壇
新點宮人作女荆
每度駕來羞不出
羽衣初着怕人看

秋晚紅粧傍水行
競將衣袖撲蜻蜓
回頭瞥見宮中喚
幾度藏身入畫屏

酒庫新修近水旁
潑醅初熟五雲漿
殿前供御頻宣索
進入花間一陣香

管絃聲急滿龍池
宮女藏闔夜宴時
好是聖人親捉得
便將濃墨掃雙眉

小院珠簾着地垂
院中排比不相知
羨他鸚鵡能言語
窗裡偷教鸚鵡兒

安排竹柵與芭籬
養得新生鶉鴒兒
宣受內家專餽飼
花毛閒看總皆知

龍池九曲遠相通
楊柳絲牽兩岸風
長似江南好風景
畫船來去碧波中

東內斜將紫禁通
龍池鳳苑夾城中
曉鍾聲斷嚴粧罷
院院紗牕海日紅

殿名新立號重光
島上亭臺盡改張
但是人行幸處
黃金閣子鎖牙牀

安排諸院接行廊
水檻周迴十里長
青錦地衣紅繡毯
盡鋪龍腦鬱金香

夾城門與內門通
朝罷巡遊到苑中
每日日高祇候處
滿隄紅豔立春風

厨盤進食簇時新侍宴無非列近臣日午殿頭
宣索膾隔花催喚打魚人

立春日進內園花紅蕊輕輕嫩淺霞跪到玉階
猶帶露一時宣賜與宮娃

三面宮城盡夾墻苑中池水白茫茫亦從獅子
門前入旋見亭臺繞岸傍

御製新翻曲子成六宮纔唱未知名盡將簫篴
來抄譜先按君王玉笛聲

旋移紅樹斲青苔宣使龍池更鑿開展得綠波
寬似海水心樓殿勝蓬萊

太虛高閣凌虛殿背倚城墻面枕池諸院各分
孃子位羊車到處不教知

六宮官職總新除宮女安排入畫圖二十四司
分六局御前頻見錯相呼

春風一面曉妝成偷折花枝傍水行却被內監
遙覷見故將紅豆打黃鶯

小毬場近曲池頭宣喚勳臣試打毬先向畫廊
排御幄管絃聲動立浮油

供奉頭籌不敢爭上棚等喚近臣名內人酌酒
纔宣賜馬上齊呼萬歲聲

翔鸞閣外夕陽天樹影花光遠接連望見內家
來往處水門斜過畫樓船

新秋女伴各相逢罨畫船飛別渚中旋折荷花
伴歌舞夕陽斜照滿衣紅

少年相逐采蓮回羅帕羅衫製巧裁每到岸頭
長拍水竟提纖手出船來

早春楊柳引長條倚岸沿堤一面高稱與畫船

牽錦纜暖風搓出綵絲條

月頭支給買花錢滿殿宮人近數千遇着唱名
多不語含羞走過御牀前

平頭船子小龍牀多少神仙立御旁旋刺高竿
令過岸滿池春水蘸紅妝

苑東天子愛巡遊御岸花提枕碧流新教內人
供射鴨長將弓箭遶池頭

沈香亭子傍池斜夏日巡遊歇翠華簾畔越盆
盛淨水內人手裡剖銀瓜

薄羅衫子透肌膚夏日初長板閣虛獨自凭欄
無一事水風涼處讀文書

金畫香臺出露盤黃龍雕刻遶朱欄焚修每遇
三元節天子親簪白玉冠

六宮一例羅冠子新樣交鐫白玉花欲試淡妝
兼道服面前宣與唾盂家

三月櫻桃乍熟時內人相引看紅枝回頭索取
黃金彈遶樹藏身打雀兒

春天睡起曉妝成隨侍君王觸處行畫得自家
梳洗樣相憑女伴把來呈

錦城上起凝烟閣擁殿遮樓一面高認得聖顏
遙望見碧欄干映赭黃袍

大臣承寵賜新莊梔子園亭東院旁每日聖恩
親幸到板橋頭是讀書堂

舞頭皆着畫羅衣唱得新翻御製詞每日內庭
聞教隊樂聲飛上到龍池

春早尋花入內園竟傳宣旨欲黃昏明朝駕幸
游蠶市暗使氍毹車籠苑門

春日龍池小宴開岸邊亭子號流杯沉檀刻作
神仙女對捧金尊水上來

寢殿門前曉色開紅泥藥樹間花栽君王未起
翠簾捲又發宮人上直來

慢梳鬟髻著輕紅春早爭求芍藥叢近日承恩
移住處夾城裡面占新宮

別色官司御輦家黃衫束帶臉如花深宮內苑
叅承慣常從金輦到日斜

日高房裡學圍碁等候官家未出時爲賭金錢
爭路數專憂女伴怪來遲

太液波清水殿涼畫船驚起宿鴛鴦翠眉不及
池邊柳取次飛花入建章

慢揜羅袖指纖纖學釣池魚傍水邊忍冷不禁
還自去釣竿常被別人拈

宣徽院約池南岸粉壁紅窗畫不成總是
一人行幸處徹宵聞奏管弦聲

丹霞亭浸池心冷曲沼門含水脚清傍岸鴛鴦
皆着對時時出向淺沙行

楊柳陰中引御溝碧梧桐樹擁朱樓金陵城共
滕王閣畫向丹青也合羞

海棠花發盛春天遊賞無時引御筵遶岸結成
紅錦帳暖枝猶拂畫樓船

牡丹移向苑中栽盡是藩方進入來未到未春
綠地暖數般顏色一時開

曉日宮人外按回自牽驄馬出林隈御前接接
見高手肯得山雞喜進來

明朝臘日官家出隨駕先須點內人回鶻衣裝
回鶻馬就中徧稱小腰身

鞍韉盤龍鬧色裝黃金壓胯紫游韁自從揀得
真龍骨別置東頭小馬房

窗樹高低約浪痕島中斜日欲黃昏樹頭木刻
雙飛鶴遠漾晴空映水門

翠輦每從城畔出內人相次立池邊嫩荷花裏
搖船去一陣香風送水僊

高燒紅燭點銀燈秋晚花池景色澄今夜聖人
宿新殿後宮相競覓祇承

宮娥小小艷紅粧唱得歌聲遶畫梁緣是太妃
新進入座前頒賜小羅箱

池心小樣釣魚船入玩偏宜向晚天掛得絲帆
教便放急風吹過水門邊

方池居住有漁家收網搖船到淺沙預進洪魚
供日料滿筐跳躍白銀花

老大初教學道人鹿皮冠子淡黃裙後宮歌舞
金拋擲每日焚香事老君

法雲寺裡中元節又是官家降誕辰滿殿香花
爭供養內園先占得鋪陳

嫩荷香撲酌魚亭水面紋魚作隊行宮女憶來
池畔看傍簾呼喚勿高聲

御溝春水碧於天宮女尋花入內園汗溼紅妝
行漸困岸頭相喚洗花鈿

內人深夜學迷藏偏遶花叢水岸旁乘興或來
仙洞裏大家尋覓一時忙

白藤花限白銀花閣子當門寢殿斜近被宮中
知了事每來隨駕使煎茶

西毬場裏打毬回御宴先於苑內開宣索教坊
諸伎樂傍池催喚入船來

新翻酒令著詞章侍宴初開憶却忙宣賜近臣
傳賜本書家院裏遍抄將

昭儀侍宴足精神玉燭抽看記飲巡倚賴識書
爲錄事燈前時復錯瞞人

後宮阿監裹羅巾出入經過苑囿頻承奉聖顏
憂誤失就中長帕內夫人

密色紅泥地火壚內人冬日晚傳呼今宵駕幸

池頭宿排比椒房得暖無

畫船花舫總新裝進入池心近島旁松栢樓窗

楠木板暖風吹過一團香

三清臺近苑墻東樓檻層層映水紅盡日綺羅
人度曲管弦聲在半天中

高亭百尺立當風引得君王到此中牀上翠屏
開六扇檻花初綻牡丹紅

內人承寵賜新房紅紙泥窗遶畫廊種得海柑
纔結子乞求自進與君王

翡翠簾前日影斜
御溝春水浸成霞
侍臣向晚隨天步
共看池頭滿樹花

金章紫綬選高班
每每東頭近聖顏
才藝足當恩寵別
只看供奉一場間

金碧欄干倚岸邊
捲簾初聽一聲蟬
殿頭日午搖紈扇
宮女爭來玉座前

年初十五最風流
新賜雲鬟使上頭
按罷霓裳歸院裏
畫樓雲閣總新修

侍女爭揮玉彈弓
金丸飛入亂花中
一時驚起

流鶯散踏破殘花滿地紅

翠華香重玉壺添
雙鳳樓頭曉日暹
扇掩紅鸞金殿悄
一聲清蹕掩珠簾

春心滴破花邊漏
曉夢敲回鏡裡鍾
十二楚山何處是
御樓曾見兩三峰

蕙炷香銷燭影殘
御衣熏盡徹更闌
歸來困頓眠紅帳
一枕西風夢裏寒

口占荅宋太祖

君王城上豎降旗
妾在深宮那得知
十四萬人

齊解甲寧無一個是男兒

順聖太后徐氏

禱青城山回

周游靈境散幽情千里江山暫得行所恨風光
看未足卻驅金翠入龜城

翊聖太妃徐氏

禱青城山回

翠驛江亭近玉亭夢魂猶是在青城比來出看
江山景却被江山看出行

李舜絃夫人

蜀宮應制迴文

濃樹禁花開後庭飲筵中散酒醒醒濛濛雨草
瑤堦濕鐘曉愁吟獨倚屏

釣魚不得

盡日池邊釣錦鱗芰荷香裡暗銷魂依稀縱有
尋春餌知是金鈎不肯吞

隨駕出遊青城

因隨八馬上仙山頓隔埃塵物象閒只恐西追

王母宴却憂難得到人間

蓮花女

呈陳處士

蓮花爲號玉爲腮
玠重尚書遣妾來
處士不生巫峽夢
虛勞雲雨下陽臺

名媛彙詩第十卷目錄

七言絕句

宋

猜桃

束綾詩二首

楊太后

宮詞三十首

朱淑貞

書懷二首

名媛彙詩

目錄卷十

春日雜書四首

春夜

月夜

長宵

晚春有感

雨中寫懷

清晝

圓子

春宵二首

有感

飛雪滿羣山五首

春詞

秋夜

七夕

中秋聞笛

寄情

元宵遇雨

落花

晴和

立春前一日

立春二首

春陰

中春書事

春色有懷

約遊春不去二首

春日雜書六首

喜情

恨春

悶懷

悶懷二首

湖上閒望

寓懷二首

下湖卽事

春日閒坐

夜雨二首

阻雨

移花

小桃葉去偶生數花

窻西桃花盛開

杏花

偶得牡丹數本移植窻外將有着花意

因成二首

柳

三月三日

清明遊飲少湖庄

黃花

日永

端午

納涼桂堂

梅蒸滋甚因懷湖上

納涼卽事

夏雨生涼三首

夏夜

新荷

水梔子

七夕

冬月梅窻書事

西樓寄情

夜留依綠亭二首

閒步

聞鵲

書王庵道姑壁

東馬塍

愁懷

舊愁

掬水月在手

弄花香滿衣

宴謝夫人堂

弔林和靖

荅求譜

春日亭上觀魚

春晝偶成

立春日粧成宜春花

春曉雜興

寒日詠懷

春燕

暑月獨眠

夏夜乘涼

秋日偶題

七夕口占

新秋

初秋雨晴

中秋夜不見月

探梅

冬夜不寐

觀雪偶成

賞雪

圍爐

海棠

芍藥

牡丹

黃芙蓉

長春花

薔薇花

芙蓉

櫻桃

梅花

臘月躑躅一枝獨開

後庭花

乞蘭

舟中卽事七首

古今名媛七言絕句卷之十

閩中鄭文昂季卿甫編輯

宋

精桃

東綾詩二首

一曲清歌一束綾美人猶自意嫌輕不知織女

寒窗下幾度拋梭織得成

風動衣單手屢呵幽窗軋軋度寒梭臘天日短

不盈尺何以妖姬一曲歌

楊太后

宮詞三十首

瑞日曛曛散曉紅
乾元萬國珮丁東
紫宸北使班纔退
百辟同趨德壽宮

元宵時雨賞宮梅
恭請光堯壽聖來
醉裏君王扶上輦
鑾輿半伏點燈回

柳枝挾雨握新綠
桃蕊含風破小紅
天上春光偏得早
差峩宮殿五雲中

溶溶太液碧波翻
雲外梅臺日月閑
春到漢宮三十六
爲分和氣到人間

曉窗生白已鶯啼
啼在宮花第幾枝
烟斷獸墻香未絕
曲房朱戶夢回時

一簾小雨却春寒
禁籞深沉白晝閒
滿地落花紅不掃
黃鸝枝上語綿蠻

上林花木正芳菲
內裏爭傳御製詞
春賦新翻入宮調
美人羣唱捧瑤卮

海棠花裏奏琵琶
沉碧池邊醉九霞
禁籞融融春日靜
五雲深護帝王家

後院深沉景物幽奇花名竹弄春柔翠華經歲
無遊幸多少亭臺廢不修

天中聖節禮非常躬率郡臣上壽觴天子捧盤
仍再拜侍中宣達近龍床

水殿鈎簾四面風荷花簇錦照人紅吾皇一曲
薰絃罷萬俗泠泠解愠中

繞堤翠柳忘憂草夾岸紅葵安石榴御水一清
清徹底晚涼時泛小龍舟

薰風宮殿日長時靜運天機一局棋國手人人
饒處着須知聖筭出新奇

宮殿鈎簾看水晶時當三伏熾炎蒸翰林學士
知誰直今日傳宣與賜冰

雲影低涵栢子池秋聲輕度萬年枝要知玉宇
涼多少正在觀書一夜時

瑣窗宮漏滴銅壺午夢驚回落井梧風遞樂聲
來玉宇日移花影上金鋪

涼生水殿樂聲遊鈎得金鱗上御鈎聖德至仁
元不殺指揮皆放小池頭

涼秋結束闔炎新
宣入毬場尚未明
一朵紅雲黃蓋底
千官下馬起居身

秋高風動角弓鳴
臂健常嫌斗力輕
玉陛纔傳看御箭
中心雙中謝恩聲

思賢夢寢過商宗
右武崇儒帝道隆
總覽權綱求治理
羣臣臧否䟽屏風

用人論理見宸衷
賞罰刑威合至公
天下監師二千石
姓名都在御屏中

家傳筆法學光堯
聖草真行說兩朝
天縱自然成一體
謾誇虎步與龍跳

泛索坤寧日一羊
自從正位控辭章
好生躬儉趨千古
風化宮嬪只淡粧

擊鞠由來豈作嬉
不忘鞍馬是神機
牽韁絕尾施新巧
背打星球一點飛

宮槐映日翠陰濃
薄暑應難到九重
節近賜衣爭試巧
彩絲新樣起盤龍

角黍冰盤餽飢裝
酒闌唱歇泛瑤觴
近臣誇賜金書扇
御侍爭傳佩帶香

一朶榴花插鬢鴉君王長得笑時誇內家衫子
新番出淺色新裁艾虎紗

簾幙深深四面垂清和天氣漏聲遲宮中閣裏
催繅繭要趁親蠶作五絲

歲歲蚕麥熟時密令中使視郊圻歸來奏罷
天顏悅喜阜吾民鼓玉徽

小樣盤龍集翠裘金羈緩控五花騮綉旗開處
鈞天奏御捧先過第一籌

朱淑貞

書懷二首

女子弄文誠可罪那堪詠月更吟風磨穿鐵硯
非吾事綉折金針却有功

悶無消遣只看詩又見詩中話別離添得情懷
索始知伶俐不如痴

春日雜書四首

春來春去幾經過不是今年恨最多寂寂海棠
枝上月照人清夜欲如何

捲簾月掛一鈞斜愁到黃昏更轉加獨坐小窗

無伴侶凝情羞對海棠花

一年好處清明近已覺春光大半休點檢芳菲
多少在翠深紅淺似關愁

自入春來日日愁惜花翻作爲花羞呢喃飛過
雙雙燕嗔我簾垂不上鉤

春夜

半窗斜月人歸後一枕清風夢破時無奈梨花
春寂寂杜鵑聲裏祇顰眉

月夜

燈花鵲喜兩無憑那更清宵夢不成月上樓頭
天似洗愁人別是一般情

長宵

月轉西窗斗帳深燈昏香燼擁寒衾魂飛何處
臨風笛腸斷誰家擣夜砧

晚春有感

却扇羞花春已空掃紅吹白任顛風斷腸芳草
連天碧春不歸來夢不通

雨中寫懷

東風吹雨苦生寒，慳澁春光不放寬。
萬紫千紅渾未見，閑愁先占許多般。

清晝

竹搖清影罩幽窗，兩兩時禽噪夕陽。
謝却海棠飛盡絮，困人天氣日初長。

圓子

輕圓絕勝雞頭肉，滑膩偏宜蠓眼湯。
縱可風流無處說，已輸湯餅試何郎。

春宵二首

門前春水碧於天，坐上詩人逸似仙。
彩鳳一雙雲外落，吹簫歸去又無緣。
夢回酒醒春愁怯，寶鴨煙銷香未歇。
薄衾無奈五更寒，杜鵑叫落西樓月。

有感

倦對飄零滿徑花，靜聞春水鬧鳴蛙。
故人何處草堂碧，撩亂寸心天一涯。

飛雪滿羣山五首

同時有魏夫人者，亦能詩，嘗置酒以邀淑

貞命小鬟隊舞因索詩以飛雪滿羣山爲
韻淑貞醉中拔筆而賦

管絃催上錦裯時體態輕盈祗欲飛若使明皇
當日見阿蠻無計恍楊妃

香茵穩襯半鈎月來往凌波雲影滅絃催緊拍
促將遍兩袖翻然作回雪

柳腰不被春拘管鳳轉鸞回霞袖緩舞徹伊州
力不禁筵前撲簌花飛滿

占斷京華第一春清歌妙舞實超羣只愁到曉

人星散化作巫山一段雲

燭花影裏粉妝閒一點愁侵兩點山不怕帶他
飛燕妬無言逐拍省弓彎

春詞

屈指清明數日期紛紛紅葉競芳菲人間何處
無春色低是西樓人未歸

秋夜

夜久無眠秋氣清燭花頻剪欲三更鋪床涼滿
梧桐月月梧桐缺處明

七夕

拜月亭前梧葉稀
穿針樓上覺秋遲
天孫正好貪歡笑
那得工夫賜巧絲

中秋聞笛

誰家橫笛弄輕清
喚起離人枕上情
自是斷腸聽不得
非干吹出斷腸聲

寄情

欲寄相思滿紙愁
魚沉鴈杳又還休
分明此去無多地
如在天涯無盡頭

元宵遇雨

煙火笙歌是處休
沉沉春雨暗皇州
危樓十二欄干曲
一曲欄干一曲愁

落花

連理枝頭花正開
妬花風雨便相催
願教青帝長爲主
莫遣紛紛點翠苔

晴和

海棠深院雨初收
苔徑無風蝶自由
寂寂珠簾歸燕未
子規啼處一春愁

立春前一日

梅花枝上雪初融
一夜高風激轉東
芳草池塘冰未薄
柳條如線着春工

立春二首

自拆梅花插鬢端
韭黃蘭茁簇春盤
潑醅酒軟渾無力
作惡東風特地寒
綵勝春幡裊鳳釵
新春不換舊情懷
草汀新綠冰痕滿
柳眼藏嬌雪影埋

春陰

楊花攪亂少年心
怕雨愁風用意深
付與酒杯渾不管
從教天氣作春陰

中春書事

乳燕調雛出畫簷
遊蜂喧翅入珠簾
日長無事人慵困
金鴨香銷懶更添

春色有懷

客裏逢春想恨濃
故園花木夢魂同
連堤綠蔭晴烟裏
映水紅搖薄霧中

約遊春不去二首

鄰姬約我踏青遊強拂愁眉下小樓去戶欲行
還自省也知憔悴見人羞
少年意思懶能酬愛好心情一向休若到舊家
遊冶處只應滿眼是春愁

春日雜書六首

柳絲軟軟颺東風日色家家一樣同嫩草破烟
開秀綠小桃和露折香紅

鬆鬆麗日約餘寒春向梅邊柳上添蜂蝶自知
新得意展鬚忙翅入層簾

柳垂新線膩烟光紫燕惺鬆語畫梁午睡忽驚
雞唱罷日移花影上窗香

鬪草尋花正及時不爲容易見芳菲誰能更覩
閑針線且殢春光伴酒卮

月篩窻幌好風生病眼傷春淚欲傾寫字彈琴
無意緒踏青挑菜沒心情

濛濛細雨濕香塵似欲藏鴉柳色新鬪草工夫
渾忘却祗憑詩酒破除春

喜情

鶉鳩聲歇已開晴柳眼窺春淺放青樓上捲簾
凝目處遠山如畫展圍屏

恨春

櫻桃初薦杏梅酸燕子風高麥秀寒惆悵東君
太情薄挽留時暫也應難

悶懷二首

黃昏院落雨瀟瀟獨對孤燈恨氣高針線懶拈
腸自斷梧桐葉葉剪風刀

秋雨沉沉滴夜長夢難成處轉淒涼芭蕉葉上

梧桐裏點點聲聲有斷腸

湖上閒望

照水芙蓉入眼明敗荷枯葦動秋聲秋雲淡淡
山如畫喚起書懷酒興清

寓懷二首

踈雨悲風九月天
酣霜楓葉墜江寒
小窗鎮日無聊賴
編輯詩詞改抹看

菊有黃華籬檻邊
哀鴻聲杳下寒天
偏宜小閣幽窻下
獨自燒香獨自眠

下湖卽事

晴波碧漾接長空
書館春寒柳曳風
隔岸誰家修竹裏
杏花斜映一枝紅

春日閒坐

社燕歸來春正濃
摧花雨倩一番風
倚樓闌省經山處
月館雲藏望眼中

夜雨二首

抑鬱無眠坐夜闌
窗風戰雨下琅玕
自將好况供陪夢
只恐燈花不耐寒

朝來春在雨中看
心碎簷聲點滴間
縱有酒能消熱恨
寧無花解怨生寒

阻雨

幾度尋芳已不成
又還寂寞過清明
慳風澁雨顛迷甚
十日春無一日晴

移花

自移紅藥遶欄栽
粉膩香嬌逐旋開
且與幽人充近侍
莫教風雨苦相催

小桃葉去偶生數花

庭外緗桃一萼紅多情特地振春風仙源已露
真消息迥作新花發舊叢

窻西桃花盛開

盡是劉郎手自栽劉郎去後幾番開東君有意
能相顧蛺蝶無情更不來

杏花

淺注胭脂剪絳綃獨將妖艷冠花曹春心自得
東君意猶勝玄都觀裏桃

偶得牡丹數本移植窻外將有着花意

因成二首

玉種元從上苑分擁培圍護怕因循快晴快雨
隨人意正爲墻陰作好春

香玉封春未啄花露根烘曉見紅霞自非水月
觀音樣不稱維摩居士家

柳

高縷千絲織暖風帶烟籠霧市橋東綰成幽恨
斜陽裏折斷離情細雨中

三月三日

林花落盡草初齊
客裏蕭條思欲迷
又是春光去時節
滿城飛絮亂鶯啼

清明遊飲少湖庄

清明翫賞正繁華
今日林梢落盡花
人散酒闌春已去
一泓初漲滿池蛙

黃花

土花能白又能紅
晚節由能愛此工
寧可抱香枝上老
不隨黃葉舞秋風

日永

雨過橫塘蛙吹鬧
日融芳圃蜜脾香
一腔心事難消遣
雙鵲飛鳴過短牆

端午

縱有靈符共綵絲
心情不似去年時
榴花照眼能牽恨
強切菖蒲泛酒卮

納涼桂堂

清香滿座瓜分玉
明月澄空酒漾金
不是夜深難就醉
一簾秋色竹森森

梅蒸滋甚因懷湖上

雲暗湖光雨四垂
珠璣萬斛撒琉璃
紫苔堦面寒聲急
有甚心情更賦詩

納涼卽事

旋折蓮房破綠瓜
酒杯收起點新茶
飛蠅不到冰壺淨
時有涼風入齒牙

夏雨生涼三首

烈日如焚正蘊隆
黑雲載雨瀉長空
搜龍霹靂一聲歇
庭竹瀟瀟來好風

翠嶺金蛇殷殷雷
過雷班駁漸晴開
雨催涼意

詩催雨當盡新菊
玉友醅

眼界清無俗事來
要涼更着好詩催
涼生還又撩幽恨
留取孤尊對月開

夏夜

花底杯傾演漾金
月邊風細竹陰陰
故人清遠更真絕
消盡煩襟爽氣深

新荷

平波浮動洛妃鈿
翠色嬌圓小更鮮
蕩漾湖光三十頃
未知葉底是誰蓮

水梔子

一痕春寄小峰巒
蒼蘂香清水影寒
玉質自然無暑意
更宜移就月中看

七夕

金井西風梧葉稀
穿針樓上月光微
天孫也赴今霄約
不賜人間巧樣機

冬日梅窗書事

明窗瑩几淨無塵
月映幽窗夜色新
惟有梅花消息早
對人先放一枝春

西樓寄情

蛺蝶雙飛過曉窗
宿醒未醒倦梳粧
閒情俱付東流水
愁看春山畫不長

夜留依綠亭二首

水鳥棲烟夜不喧
風傳宮漏到湖邊
三更好月十分魄
萬里無雲一樣天
雨過新涼秋興濃
流螢明滅綠楊中
庭虛池印一方月
樓靜簾披四面風

閨步

天街蕩蕩靜無塵
燈火熒煌不夜城
乍得新涼宜散步
一鉤新月映疎明

聞鵲

簷頭花外噪風晴
撥去閒愁着耳聽
靈鳥已承雲信息
預來先報兩三聲

書王庵道姑壁

短短墻圍小小亭
茅簷踈玉響泠泠
塵飛不到人長靜
一篆爐烟兩卷經

東馬塍

一塍芳草碧芊芊
活水穿花暗護田
蠶事正忙農事急
不知春色爲誰妍

愁懷

鷗鷺鴛鴦作一池
須知羽翼不相宜
東君是與花爲主
一任多生連理枝

舊愁

銀屏屈曲障春風
獨抱寒衾睡正濃
啼鳥一聲驚夢破
亂愁依舊鎖眉峰

掬水月在手

無事江頭弄碧波分明掌上見嫦娥不知李謫
仙人在曾向江頭捉得麼

弄花香滿衣

艷紅影裏擷芳回沾惹春風兩袖歸夾路露桃
渾欲笑不禁蜂蝶遶人飛

宴謝夫人堂

竹影清風入酒卮森森涼氣暗侵肌水巒四疊
渾無暑不似人間六月時

弔林和靖

不見孤山處士星西湖風月爲誰清當時寂寞
冰霜下兩句詩成萬古名

荅求譜

雨好解開花百結風恬扶起柳三眠春醲醞處
多傷感那得心情事管絃

春日亭上觀魚

春暖長江水正清洋洋得意浪波生非無欲透
龍門志只待新雷震一聲

春晝偶成

卷十
默默深閨掩畫關
簡編橫案小窗寒
却嗟流水琴中意
難向人前取次彈

立春日粧成宜春花

青幡碧勝縷金文
柳色梅花逐指新
却笑尚爲兒女態
寶刀剪綵強爲春

春曉雜興

挑盡殘燈夢欲迷
子規催月小樓西
紗窻偷眼天將曉
無數宿禽花下啼

寒日詠懷

淮南寒食更風流
絲管紛紛逐勝遊
春色眼前無限好
思親懷土自多愁

春燕

簾前日暖翩翩過
簾外風輕對對斜
偏是社來還社去
年年不見臘梅花

暑月獨眠

紗厨困卧日初長
解却紅裙小簟涼
一篆壚烟籠午枕
冰肌生汗白蓮香

夏夜乘涼

滿意好風生水面
趁人明月到天心
此時情緒誰能會
獨坐中庭夜已深

秋日偶題

芙蓉斜倚胭脂臉
岩桂輕搖金粟花
愁思不知秋浩蕩
一鞭秋興遶天涯

七夕口占

三秋靈匹此宵期
萬古傳聞果是非
免俗未能還自笑
金針乞得巧絲歸

新秋

一夜涼風動扇愁
別時容易入新秋
桃花臉上汪汪淚
忍到更深枕上流

初秋雨晴

雨後風涼暑氣收
庭梧葉葉報初秋
浮雲盡逐黃昏去
樓閣新蟾掛玉鉤

中秋夜不見月

不許蟾蜍此夜明
始知天意是無情
何當撥去閒雲霧
放出光輝萬里清

探梅

温温天氣似春和
試探寒梅已滿坡
笑折一枝插雲鬢
問人瀟洒似誰麼

冬夜不寐

推枕鴛帷不柰寒
起來霜月轉欄干
悶懷脉脉與誰說
淚滴羅衣不忍看

觀雪偶成

凭欄觀雪獨徘徊
欲賦慚無詠絮才
鹽撒空中如可用
藏收聊與贈羹梅

賞雪

朱簾暮捲綺筵開
風雪紛紛入酒杯
對景恨無飛絮句
從今羞見謝娘才

圍爐

昨夜霜風透膽寒
圍爐謾憶昔年歡
如今獨坐無人說
撥悶惟憑酒力寬

海棠

天與嬌妖綴作花
更於枝上散餘霞
少陵謾道多詩興
不得當時一句誇

芍藥

芬芳紅紫間成叢獨占花王品第中到底只留
爲謔贈更勞國史刺民風

牡丹

嬌嬈萬態逞殊芳花品名中占得王莫把傾城
比顏色從來家國爲伊亡

黃芙蓉

如何天賦與芬芳徒作佳人淡竚粧試倩東風
一爲主輕黃應不讓姚黃

長春花

一枝纔謝一枝妍自是春工不與閒縱使牡丹
稱艷艷到頭榮瘁片時間

薔薇花

飛葩散亂擁欄香萬朵千枝不計行爛熳初開
向清晝會稽太守乍還鄉

芙蓉

滿池紅影蘸秋光始覺芙蓉植在傍賴有佳人
頻醉賞和將紅粉更施粧

櫻桃

爲花結實自殊常
摘下盤中顆顆香
味重不容輕重口
獨於寢廟薦先嘗

梅花

園林蕭索未迎春
獨爾花開處處新
只有宮娃無一事
每將施額鬪妝勻

臘月躑躅一枝獨開

園林經臘正凋殘
獨爾花開爛熳鮮
借問隴梅知幸否
得陪春卉笑時妍

後庭花

豈意爲花屬後庭
荒迷亡國自茲生
至今猶恨隔江唱
可惜當時枉用情

乞蘭

幽芳別得化工栽
紅葉紛紛莫與偕
珍重故人培養厚
真香獨許寄庭堦

舟行卽事七首

帆高風順疾如飛
天濶波平遠又低
山色水光隨地改
共誰裁剪入新詩
扁舟欲發意何如
回望鄉關萬里餘
誰識此情

腸斷處白雲遙處有親廬

畫舸寒江江上亭行舟來去泛縱橫無端添起
思鄉意一字天涯歸鴈聲

滿江流水萬重波未似幽懷別恨多目斷親闈
瞻不到臨風揮淚獨悲歌

對景如何可遣懷與誰江上共詩裁江長景好
題難盡每自臨風愧乏才

歲暮天涯客異鄉扁舟今又度瀟湘顰眉獨坐
水窗下淚滴羅衣暗斷腸

歲節將殘惱悶懷庭闈獻壽阻傳杯此愁此恨
人難見鎮日柔腸自九回

入職具與日系國自式回
效前錄效新因對與國相喜出軒林北慈北野

名媛彙詩第十一卷目錄

七言絕句

宋

李清照

題八咏樓 春殘

王氏

咏懷

舒王女

寄父

曹元寵母王氏

雪中觀妓

王氏 王徽
侄女

補仙官詩

曹緝

綉鴛鴦詩

高氏

暮春感懷

南宮縣君錢氏

有感

毛有龍妻

寄外

賀方回姬

答外

趙信庵姬

摘青梅

葉桂

題琵琶亭

英州司寇女

題梅關詩

金麗卿

述懷

丘氏

寄外

士人妻

寄鞋襪

章文虎妻劉氏

寄外詩二首

趙晟母

惜別

陳梅庄

述懷二首

謝氏

送外

賈蓬萊

謝姊惠鞋

梁意娘

述懷

王瓊奴

答外

蘇子瞻婢春娘

辭謝蘇公口號

譚意歌

寄外

毗陵女子

題破錢

彈琴

張仲妹

贈沈警二首

張瓊英

送汪元亮

于大本妻

得仙詩

黃氏

感懷詩二首

連倩女

寄陳彥臣 題竹簾詩

何意娘

寄張彥卿

楚娘

遊春

桂花

桂英

贈王魁

戲呈

聞瓊林宴寄一絕

蘇小娟

和院判詩

周氏

贈陳筑

胡楚

送周韶

寄人

龍靚

呈張子野

山氏

上邑宰

温婉

賦香篆詩 寄遠

寄情

謝金蓮

答趙生紅梨花詩

朱逸仙

寄元驤卿

元

萬氏

綉梅詩

陸惠奴

舟中漫成

吳氏

酌鄭生詩二首

病中答鄭生詩二首

孫蕙蘭

綠窻遺稿九首

韓氏

折簡復外

曹妙清

竹枝詞

張妙淨

竹枝詞

元氏

補天花版詩

鄭允端

題畫

琵琶亭

秋窻書懷

念舊

詠橘

種桃

水檻

楮帳

薛氏

竹枝曲十首

梅花尼

詠梅花

鄭奎妻

題燈花

阮碧雲

卽事

劉燕歌

有感

李飛仙

與客遊樂

韓鷓兒

答龔舍人

崔琦

示李師顏

十一卷終

古今名媛七言絕句卷之十一

閩中鄭文昂季卿甫編輯

宋

李清照

題八咏樓

千古風流八咏樓
江山留與後人愁
水通南國三千里
氣壓江城十四洲

春殘

春殘何事苦思鄉
病裏梳頭恨最長
梁燕語多

終日在薔薇風細一簾香

王氏

咏懷

白藕作花風已秋不堪殘睡更回頭晚雲帶雨
歸飛急去作西窗一枕愁

舒王女

寄父

西風吹入小窗紗秋色應憐我憶家極目江山
千里恨依然和淚看黃花

雪中觀妓

梁王宴罷下瑤臺窄窄紅鞋步雪來恰似陽春
三月暮楊花飛處牡丹開

王氏

王徽
侄女

補仙官詩

翫水登山無足時諸仙頻下聽琴詩此心不念
居人世惟見天邊雙鶴飛

曹緝

綉鴛鴦詩

柴扉花嶼接江湖頭白成雙得自如春晚有時
描一對日長銷盡綉工夫

高氏

暮春感懷

楊花日日常無定海燕年年却有歸一瞬青春
疾如電等閒看盡縷金衣

南宮縣君錢氏

有感

士悲秋色女懷春此語由來未是真倘若有情
相眷戀四時天氣總愁人

毛有龍妻

寄外

剔燭親封錦字書擬憑歸鴈寄天隅經年未報
干秦策不識如今舌在無

賀方回姬

答外

獨倚危欄淚滿襟小園春色懶追尋深恩總似

丁香結難展芭蕉一寸心

趙信庵姬

摘青梅

柝聲默報早朝回滿院春風綉戶開
怪得無人理絲竹綠陰深處摘青梅

葉桂

題琵琶亭

樂天當日最多情淚滴青衫酒重傾
明月滿船無處問不聞商女琵琶聲

英州司寇女

題梅關詩

英江今日掌刑回上得梅山不見梅
掇俸買將三十本清香留與雪中開

金麗卿

述懷

家住錢塘山水圖梅邊柳外識林蘇
平生慣占清涼國豈料人間有暑途

丘氏

卷十一
寄外

簾裏孤燈覺曉遲
獨眠留得宿妝眉
珊瑚枕上驚殘夢
認得蕭郎馬過時

士人妻

寄鞋襪

細襪宮鞋巧樣新
殷懃寄與讀書人
好將穩步青雲上
莫向平康漫惹塵

章文虎妻劉氏

寄外詩二首

碧紗窗外一聲蟬
牽惹愁腸嬾晝眠
千里才郎歸未得
無言空撥玉爐烟

畫扇停揮白日長
清風細細襲衣裳
女童來報新菟酒
安得良人共一觴

趙晟母

惜別

暖有花枝冷有冰
佳人會後却無憑
預愁離別苦相對
挑盡漁陽一夜燈

陳梅庄

述懷三首

一寸柔腸萬疊縈
那堪更值此春晴
黃鸝知我無情緒
飛過花梢禁不聲

一片愁心怯杜鵑
懶妝從任髮雲偏
怕郎說起陽關意
常掩琵琶第四絃

山城落日弄昏黃
又了平生半月忙
待妾不須燒絳蠟
讓他明月入回廊

謝氏

送外

此去惟宜早早還
休教重起望夫山
君看江上千竿竹
不是男兒淚染斑

賈蓬萊

謝姊惠鞋

蓮瓣娟娟遠寄將
綉羅猶帶指尖香
弓彎着上無行處
獨立花陰看鴈行

梁意娘

述懷

踪跡萍浮落五湖
一番相別一番踈
不知此去

從何處還許春風得見無

王瓊奴

答外

茜色霞牋照面頰玉郎何事太多情風流不是
無佳句兩字相思寫不成

蘇子瞻婢春娘

辭謝蘇公口號

為人莫作婦人身百年苦樂由他人今日始知
人賤畜此生苟活怨誰嗔

譚意歌

寄外

瀟湘江上探春回消盡寒冰落盡梅願得見夫
似春色一年一度一歸來

毗陵女子

題破錢

半輪殘月掩塵埃依稀猶有開元字想得清光
未破時買盡人間不平事

彈琴

名媛彙詩

卷十一

昔年甘笑卓文君豈信絲桐解誤身今日未彈
心已亂此心元是不由人

張仲妹

贈沈警二首

洞簫響兮風生流清夜闌今絃管適長相思今
衡山曲心斷絕今秦隴頭

隴上雲居不復居湘川斑竹淚沾餘誰念衡山
烟霧裡空看鴈足不傳書

張瓊英

送汪元亮

客有黃金共懷璧如何不肯贖奴回今朝且盡
穹廬酒後夜相思無此杯

于大本妻

得仙詩

醉舞狂歌踏落花綠羅裙帶有丹砂往來城市
賣山藥那箇西山是我家

黃氏

感懷詩二首

欄干閑倚日偏長
短笛無情苦斷腸
安得身輕如燕子
隨風容易到君傍
自從聞笛苦
忽忽魄散魂飛
似夢中
最恨粉墻高幾許
蓬萊弱水隔千重

連倩女

寄陳彥臣

牛郎織女本天僊
阻隔銀河路杳然
今夕猶能相會合
人間何事不團圓

題竹簾詩

綠筠劈破條條直
紅線經回眼眼奇
爲愛如花成片段
致令直節有參差

何意娘

寄張彥卿

憶昨燈前月下時
匆匆相見便分離
聞名恨不早相識
故使因緣會遇遲

楚娘

遊春

破曉行春緩轡行
滿城桃李鬪芳英
桃紅李白

卷十一
皆麤鄙爭似冰肌瑩眼明

桂花

丹桂迎風蓓蕾開
摘來斜插竟相偎
清香不與羣芳並
仙種原從月裏來

桂英

贈王魁

靈沼文禽皆有匹
仙園美木盡交枝
無情微物猶如此
何事風流言別離

戲呈

上都梳洗逐時宜
料得良人見卽思
早晚歸來幽閣裏
須教張敞畫新眉

聞瓊林宴寄一絕

上國笙歌錦繡鄉
仙郎得意正踈狂
誰知憔悴幽閨質
日覺春衣帶系長

蘇小娟

和院判詩

君住襄江妾住吳
無情人寄有情書
當年若也來相訪
還有於潛絹也無

周氏

贈陳筑

夢和殘月過樓西
月過樓西夢已迷
喚起一聲腸斷處
落花枝上鷓鴣啼

胡楚

送周韶

淡妝輕素鶴翎紅
移入朱欄便不同
應笑西園舊桃李
強勻顏色待春風

寄人

不見當時丁令威
年來處處是相思
若將此恨同芳草
猶恐青青有盡時

龍靚

呈張子野

天與羣芳十樣葩
獨分顏色不堪誇
牡丹芍藥人題遍
自分身如鼓子花

山氏

上邑宰

昔日緹縈亦如許
盡道生男不如女
河陽滿縣

皆春風忍使梨花偏着雨

温婉

賦香篆詩

一縷祥烟綺席浮瑞香濃膩繞賢侯還同薄命
增惆悵萬轉千回不自由

寄遠

小花靜院東風起燕燕鶯鶯拂桃李斜倚紅墻
卜遠人樓外春山幾千里

寄情

郎在溪西妾听東雙眸寄恨託溪風待郎行盡
溪邊路笑入垂楊避釣翁

謝金蓮

答趙生紅梨花詩

本分天然白雪香誰知今日却濃粧鞦韆院落
溶溶月羞覩紅脂睡海棠

朱逸仙

寄元驥卿

郎今多病如家令妾自拚軀怨楚王斜壓玉釵

成獨夢低垂玄髮繫柔腸

元

萬氏

綉梅詩

灑灑英標別樣奇
歲寒心事有誰知
妾心正欲同貞白
枕上殷勤綉一枝

陸惠奴

舟中漫成

爺娘重利妾身輕
獨抱琵琶萬里行
彈後月明

人拍手不知元是斷腸聲

吳氏

酌鄭生詩二首

慈親未識意如何
不肯令君畫翠蛾
自是杏花開較晚
梅花先得舊情多

今生緣分料應難
接得新詩不忍看
謾說胸襟有才思
却無韓壽與紅鸞

病中答鄭生詩二首

淚珠滴滴濕香羅
病裏芳肌瘦減多
莫怪夜來

名媛彙詩

卷十一

春夢淺不知今日定如何

孫蕙蘭

綠窗遺稿九首

樓前楊柳發新枝樓下春寒病起時
獨坐小窗無氣力隔簾風斷海棠絲

綠窗寂寞掩殘春繡得羅衣懶
上身昨日翠帷新病起滿簾飛絮正愁人

幾點梅花發小盆冰肌玉骨伴黃昏
隔窗久坐憐清影閑劃金釵記月痕

繡被寒多未欲眠梨花枝上聽春鶻
明朝又是清明節愁見人家買紙錢

春雨隨風濕粉牆園花滴滴斷人腸
愁紅怨白知多少流過長溝水亦香

春風昨夜碧桃開正想滄池月滿臺
欲折一枝寄王母青鸞飛去幾時來

空堦日晚雨纔乾小婢相隨倚畫欄
金釵誤掛緋桃落羅袖愁依翠竹寒

小窗今日繡鍼閒坐對銀蟾整翠髮
凡世何曾

到天上月宮依舊似人間

庭院深深早閉門
停鍼無語對黃昏
碧紗窗外初生月
照見梅花欲斷魂

韓氏

折簡復外

碧紗窗下折緘封
一紙從頭徹尾空
料想仙郎無別意
憶人長在不言中

曹妙清

竹枝詞

美人絕似董妖嬈
家住南山第一橋
不肯隨人過湖去
月明夜夜自吹簫

張妙淨

竹枝詞

憶把明珠買妾時
妾起梳頭郎畫眉
郎今何處妾獨在
怕見花間雙蝶飛

元氏

補天花版詩

補天手段暫施張
不許纖塵落畫堂
寄語新來

雙燕子移巢別處覓雕梁

鄭允端

題畫

青松望極是桃花去去仙源路不賒
便好解衣衝水過洞中
午飯熟胡麻

琵琶亭

天空月白江水寒斜抱琵琶寄所宣
自古佳人多命薄不須惆悵販茶船

秋窗書懷

詩骨從來不受肥那堪衰病弗勝衣
朝來試把羅裙整瘦比今春又半圍

念舊

憶昔娉婷十五餘勺紅傳白闔西施
如今老去慵粧洗正是梨花遇雨時

詠橘

滿林霜落洞庭西橘柚青黃照眼齊
念我已無慈母奉故人書後不須題

種桃

便向墻陰斲碧苔不將移種近溪栽落花他日
隨流水恐惹凡人取次來

水檻

近水人家小結廬軒窗瀟灑勝幽居凭欄忽聽
漁榔響知有小船來賣魚

楮帳

昔隨阿母上蓬萊雲氣如銀拂面來今日夢中
猶是見梅花相對一牀開

薛氏

竹枝曲十首

姑蘇臺上月團團姑蘇臺下水潺潺月落西邊
有時出水流東去幾時還

館娃宮中麋鹿遊西施去泛五湖舟香魂玉骨
歸何處不及真娘塋虎丘

虎丘山上塔層層夜靜分明見佛燈約伴燒香
寺中去自將釵釧施山僧

門泊東吳萬里船烏啼月落水如烟寒山寺裏
鍾聲早漁火江風惱客眠

洞庭金柑三寸黃
笠澤銀魚一尺長
東南佳味人知少
玉食無由進上方

荻芽抽笋棟花開
不見河豚石首來
早起腥風滿城市
郎從海口販鮮回

楊柳青青楊柳黃
青黃變色過年光
妾似柳絲易憔悴
郎如柳絮太顛狂

翡翠雙飛不待呼
鴛鴦並宿幾曾孤
生憎寶帶橋頭水
半入吳江半太湖

一縷鳳髻綠如雲
八字牙梳白似銀
斜倚朱門翹首望
往來多少斷腸人

百尺高樓倚碧天
欄干曲曲畫屏連
儂家自有蘇臺曲
不去西湖唱採蓮

梅花尼

詠梅花

終日尋春不見春
芒鞋踏破嶺頭雲
歸來咲撚梅花嗅
春在枝頭已十分

鄭奎妻

題燈花

卷十一
燦爛燈花向夜開
盈盈金粟墜銀臺
梨園料想無他事
祇是良人自遠來

阮碧雲

卽事

東君情意漲如瀾
畫閣鴛衾夜不寒
十二樓中春色透
好花開遍玉欄干

劉燕歌

有感

憶昔歡娛不下床
盟齊山海莫相忘
那堪忽爾

成拋棄千古生憎李十郎

李飛仙

與客遊樂

桃李芳菲二月天
洞房春色十分妍
欲知好景無邊處
倚翠偎紅與獨偏

韓鷓兒

答龔舍人

莫言刺臂是尋常
刺入儂肌痛入郎
試取血書和淚照
墨痕千載骨猶香

名媛彙詩二

卷十一

崔琦

示李師顏

已拚絲翼乘丹鳳肯閉雕籠伴綠衣前路莫愁
風力勁同心自誓一行歸



禮